

Su cuncursu est parte de su progetu "Lùvula ti canto" e sighit sos inditos de su bandu 2013 de su Prèmiu de poesia omònimu.

ISETOS DE SU CUNCURSU

- dare sighimentu a su Prèmiu de poesia *Lùvula ti canto 2013*;
- tzintzigare sos luvulesos chi lis agradat a comunicare cun sas màzines fotogràficas, sos sentidos chi naschint abbaidende sos logos, a retratare sas poesias chi ant binchidu su Prèmiu *Lùvula ti canto 2013*;
- fàghere cartolinas ponende impare màzines e poesia, a manera de crèschere sos cuntènnidos de ambas, pro contare e fàghere connòschere su Monte Albu e sas minas de Lùvula.

REGULAMENTU

Sos prèmios

PRIMU CLASSIFICADU € 300 - SEGUNDU CLASSIFICADU € 200 - TERTZU CLASSIFICADU € 100

- Sos prèmios ant a èssere dados in donos o trastes;
- pro leare parte a su cuncursu tocat a s'iscriere Su mòdulu si podet iscarrigare dae su situ istituzionale de su Comunu de Lùvula, o ritirare in sa segreteria de su Prèmiu *Lùvula ti canto* e at a dèvere èssere presentadu intro su **30.10.2013** compiladu a dovere, finas decrarande chi si tenent so recuisidos pro èssere ammissos.
- su cuncursu difatis est abertu a totu sos chi tenent passione pro sa fotografia, e apant nessi unu de sos recuisidos sighientes: èssere nàschidos e/o residentes in Lùvula, èssere figios de luvulesos, o cojuados a Lùvula finas si residentes in aterue, èssere istados residentes in sa bidda nessi pro un annu.
- in sa domanda pro s'assentare, sos artistas s'ant a dèvere impignare a non isparghinare sas poesias chi divent retratare;
- pro partetzipare non si pagat. Sas fotografias las podent presentare petzi sos autores, chi decrarant e assegurant pro iscritu de nde tènnere totu sos deretos e, cun sas matessi, de non lesiare sos deretos de àtere, e de respetare totus sas leges in balore. Leende parte a su cuncursu, cada autore liberat su Comunu de Lùvula dae totus sas responsabilidades de cale si siat zenia, includidos dannos morales e materiales, chi podent cumbinare dae sas màzines produidas.
- cada fotògrafu at a dèvere produrre 3 màzines (una pro cada poesia binchidora)
- sas màzines ant a dèvere èssere reghentes (tiradas intro de s'ùrtimu annu), inèditas(mai publicadas o postas in mustras, in sos mèdios de massa, libros, antologias, catàlugos, sites internet etc.) e mai premiadas
- de plàgios o de decraratziones fartzas, s'esseret chi bi nd'apat, nd'ant a rispòndere sos autores o chie b'at in parte issoro.
- sas fotografias imbiadas, non si torrant, ma abbarrant DE UNA BIA, a sa Comuna de Lùvula (Biblioteca Comunale), chi las at a pòdere impreare pro mustras o àteros isetos culturales, incluida sa publicada, chene perunu deretu e paga pro sos autores: su nùmene issoro però, at a èssere sempre mentovadu.
- totas tres fotografias cherent imbiadas siat in pabiru (4 còpias in formadu 10x15 e una còpia in formadu A4, pro màgine) siat in digitale (formadu JPEG) pro ambos formados. Non s'ant a atzetare fotografias imbiadas in posta eletrònica, o in àteras maneras diferentes dae sas inditadas. Sas fotografias ant a dèvere tènnere una definitzione chi permetat a las ismanniare e a las projetare in unu muru (largària 2800, risoluzione 300 dpi) e ant a dèvere retratare sos versos cunsignados.
- sos concurrentes ant a pòdere imbiare a su cuncursu finas immazines adderetzadas ma petzi in su formadu minore (10x15), e pro custu formadu ant a èssere ammissos montàgios fotogràficos o mudas, che a b'iscriere sos versos in subra, ca sunt mustras de sas cartolinas de fàghere. S'esseret, de sa màgine 10 x 15, s'at a dèvere presentare 4 còpias originales chene adderetzos e 4 acontzas de su formadu in pabiru, e in prus su formadu digitale de ambas. Su formadu A4 non cheret cambiadu.
- a sos binchidores, si lis at a rechedere de imbiare sas fotografias premiadas in formadu TIFF.
- nc'ant a èssere bogadas, a giudissiu insindacabile de sa giuria, sas fotos cun cuntènnidos foras de tema, indignos, e chi ofendant o lèsient sa bidda o sos sugetos retratados, o chi comente si siat, sa giuria cunsideret de no atzetare ca non cunforme a sos isetos de su bandu.
- Pro imbiare sas òperas bi cheret duas bustas de mannària diferente.

In sa busta minore tocat a bi pònnere:

- unu fògiu uve cherent inditadu su nùmene e sambenadu de su concorrente, sa residèntzia, su nùmeru de telèfono (finas tzellulare), s'indiriztu e-mail, e in prus su titulu, su logu, sas dies ch'est tirada sa fotografia e sa descritzione.
- Liberatòria apòsida, iscrita a dovere e firmada, de ritirare in sa segreteria de su cuncursu, in ue su concorrente pro iscritu decrarat de nde tènnere totu sos deretos e, cun sa matessi, de non lesiare sos deretos de àtere, e de respetare totus sas leges in balore.
- Unu fògiu in ue bi siat sa decraratzione sighiente firmada dae s'autore: "deo sutascritu (inditare totus sos datos personales), permito a impitare sos datos personales meos, pro sos fines de su cuncursu fotogràficu Màzines de poesia, e de su Prèmiu de poesia Lùvula ti canto, pro chi si potzat imbiare a sos chi leant parte a custu bandu, àteros bandos noos, e s'esseret, a sa publicare e a difùndere sas òperas, finas cun mèdios informàticos"

In sa busta manna tocat a bi pònnere:

- sas màgines in formadu digitale (1 còpia) e in pabiru (4 còpias 10x15 e 1 còpia A4) ue bi siant sos titulos, ma non cherent firmadas.
- Sas còpias de sas poesias retratadas, e pro donzuna incluida sa màzine chi li pertocat;
- sa busta minore, serrada, cun su cuntènnidu mentovadu subra.
- Sos binchidores, pena sa bogadura, ant a dèvere frunire àteras informatziones cunsideradas netzessidas pro sa premiatzione;
- Sas poesias de retratare ant a èssere cunsignadas a sos fotògrafos in sa segreteria de su Prèmiu (Biblioteca Comunale) **dae su 30 a parte de mangianu a su 31 a borta de die;**
- Sos concurrentes ant a dèvere imbiare o cunsignare a manu sas òperas issoro, intro e no a pustis de su mangianu de su 30/11/2013 a sa Segreteria de su Prèmiu de poesia Lùvula ticanto 2013- Cuncursu Màzines de poesia – Comune de Lùvula, Biblioteca Comunale Carrera de I Mille, 08020 Lùvula (NU). Non cumandat su trimbu postale, ma su trimbu de su protocollu de su Comunu.
- Chie leat parte a su cuncursu cunfirmat chi connoschet e atzetat sas normas chi lu regulant.
- Su Comunu de Lùvula at a numenare una giuria apòsida chi at a premiare sas fotografias cunsideradas sas mègius. Sa Giuria no at a assignare prèmiu perunu si càrculat chi non b'apat òperas dignas, e finas de no assignare mentziones de reconnoschimentu si non b'apat fotografias cunsideradas chi lu meritent; su giuditziu de sa giuria non si podet cuntestare,
- Sos binchidores de su cuncursu, e sos mentzionados si bi nd'at, ant a dèvere leare parte a sa tzerimonia de premiatzione, chi s'at a fàghere paris cun sa de su Prèmiu de poesia, in die chi est galu a dispònnere. S'esseret chi b'apat impitzu o impèigu, at a pòdere ritirare su prèmiu una persone delegada dae su premiadu/mentzionadu.
- Podides pedire cale si siat informatzione o acrarimentu a sa Segreteria de su Prèmiu: Biblioteca Comunale, tel e fax: 0784416894 ; Servitziu Linguisticu Territoriale, Lùvula, tel 3479241295; o a s'indiriztu e-mail: luvulaticanto@gmail.com